

**“O‘zenergositish” aksiyadorlik jamiyati**  
**Ягона акциядорининг**  
**2025 йил “17” декабрдаги**  
**8-сон қарорига**  
**2-илова**

**“O‘ZENERGOSOTISH” AKSIYADORLIK JAMIYATI**  
**ИЖРОИЯ ОРГАНИ ТЎҒРИСИДА**  
**Н И З О М**

**Тошкент шаҳри – 2025 йил**

## МУНДАРИЖА

<b>I.</b>	<b>УМУМИЙ ҚОИДАЛАР</b>	<b>3</b>
<b>II.</b>	<b>ИЖРОИЯ ОРГАН ВАКОЛАТИНИНГ ТАРТИБИ, САЙЛОВИ ВА ТУГАТИЛИШИ</b>	<b>3</b>
<b>III.</b>	<b>ИЖРОИЯ ОРГАНИНИНГ ВАКОЛАТЛАРИ</b>	<b>4</b>
<b>IV.</b>	<b>ЖАМИЯТ БОШҚАРУВ РАИСИ</b>	<b>4</b>
<b>V.</b>	<b>ЖАМИЯТ БОШҚАРУВ РАИСИНИНГ МОЛИЯ ТРАНСФОРМАЦИЯ ВА ХУСУСИЙЛАШТИРИШ БЎЙИЧА БИРИНЧИ ЎРИНБОСАРИ</b>	<b>8</b>
<b>VI.</b>	<b>ЖАМИЯТ БОШҚАРУВ РАИСИНИНГ ТИЖОРИЙ МАСАЛАЛАР БЎЙИЧА ЎРИНБОСАРИ</b>	<b>11</b>
<b>VII.</b>	<b>ЖАМИЯТ БОШҚАРУВ РАИСИНИНГ ЎРИНБОСАРИ БЎЛМАГАН БОШҚАРУВ АЪЗОЛАРИ</b>	<b>13</b>
<b>VIII.</b>	<b>ИЖРОИЯ ОРГАНИНИНГ ЖАВОБГАРЛИГИ</b>	<b>15</b>
<b>IX.</b>	<b>ИЖРОИЯ ОРГАНИГА ҲАҚ ТЎЛАШ ТАРТИБИ</b>	<b>15</b>
<b>X.</b>	<b>ЯКУНИЙ ҚОИДАЛАР</b>	<b>15</b>

## **I. УМУМИЙ ҚОИДАЛАР**

Мазкур Низом “O‘zenergositish” aksiyadorlik jamiyati (*кейинги ўринларда – Жамият*) ижроия органининг мақомини ва унинг ишини белгилайди.

Жамиятнинг жорий фаолиятини бошқариш коллегиял ижроия органи - бошқарув томонидан амалга оширилади, унинг ваколатлари Жамият устави ва ушбу Низом билан белгиланади.

Мазкур Низом Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни, Ўзбекистон Республикаси Президентининг 2022 йил 8 апрелдаги “Тадбиркорлик муҳитини яхшилаш ва хусусий секторни ривожлантириш орқали барқарор иқтисодий ўсиш учун шарт-шароитлар яратиш борасидаги навбатдаги ислоҳотлар тўғрисида”ги ПФ-101-сон Фармониغا ҳамда Жамиятнинг Уставига мувофиқ ишлаб чиқилган.

## **II. ИЖРОИЯ ОРГАН ВАКОЛАТИНИНГ ТАРТИБИ (САЙЛОВИ) ВА ТУГАТИЛИШИ**

Ягона акциядорнинг қарори билан уч йил муддатга сайланадиган Жамият Бошқаруви таркиби қуйидаги 5 (беш) кишидан иборат:

- Бошқарув раиси;
- Бошқарув раисининг молия, трансформация ва хусусийлаштириш бўйича биринчи ўринбосари;
- Бошқарув раисининг тижорий масалалар бўйича ўринбосари;
- Жамиятнинг Иқтисодиёт ва молия бошқармаси бошлиғи;
- Жамиятнинг Юридик бўлими бошлиғи.

Кузатув кенгаши раиси маълум бир номзодни бошқарув раиси ёки бошқарув аъзоси лавозимига тақдим этганда, шартнома тузиш шартлари, бошқарув фаолияти учун иш ҳақи миқдори, мукофот ва товон пули ҳамда номзоднинг шахсий баёноти билан тасдиқланган битим тузишга розилиги тўғрисида маълумот беради.

Жамият бошқарув раиси ва бошқарув аъзолари лавозимига номзодлар, кузатув кенгаши ҳамда акциядорларнинг умумий йиғилиши томонидан ўз номзодлари кўриб чиқиладиган йиғилишда иштирок этиши мумкин.

Бошқарув раиси ва бошқарув аъзоси лавозимига номзод сайлангандан (*тайинлангандан*) сўнг, Кузатув кенгаши раиси у билан уч йил муддатга ўз вазифаларини бажариш учун шартнома тузади, ҳар йили шартноманинг амал қилиш муддатини узайтириш ёки бекор қилиш бўйича қарор қабул қилади.

Бошқарув раиси ва бошқарув аъзоси билан тузилган шартномада унинг фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш кандай бораётганлиги юзасидан Ягона акциядор (акциядорларнинг умумий йиғилиши) ва жамият кузатув кенгаши олдида берадиган ҳисоботларининг даврийлиги назарда тутилиши керак.

Ягона акциядор (акциядорларнинг умумий йиғилиши) жамиятнинг бошқарув раиси ва бошқарув аъзолари билан тузилган шартномани, агар улар жамият Уставини қўпол тарзда бузса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) ҳукукига эга.

Жамият бошқарув раиси ёки бошқарув аъзоси билан шартномани тузиш, бекор қилиш, шу жумладан муддатидан олдин бекор қилиш тўғрисида қарор Ягона акциядор (акциядорларнинг умумий йиғилиши) томонидан қабул қилинади.

Ягона акциядор (акциядорларнинг умумий йиғилиши) Жамият бошқарув раиси ёки бошқарув аъзосининг ваколатларини тугатиш тўғрисида қарор қабул қилган ҳолда, бошқарув раиси ёки бошқарув аъзосининг ваколатларини бошқа шахсга ўтказиш масаласи ўша йиғилишда ҳал қилиниши ёки Ягона акциядорнинг (акциядорларнинг умумий йиғилиши) кейинги қарорида кўриб чиқиш учун қолдирилиши мумкин.

Жамият бошқарув раиси ва бошқарув аъзоларининг ҳуқуқ ва мажбуриятлари улар билан тузилган шартномада кўзда тутилади.

Жамият бошқарув раиси ва бошқарув аъзоларининг вазифаларини бошқа ташкилотларнинг бошқарув органларидаги лавозим билан биргаликда эгаллаб туришга фақат жамият Кузатув кенгашининг розилиги билан йўл қўйилади.

### **III. ИЖРОИЯ ОРГАНИНИНГ ВАКОЛАТЛАРИ**

Ижроия органининг ваколатига Жамиятнинг жорий фаолиятини бошқаришга оид барча масалалар киради, Ягона акциядор (акциядорларнинг умумий йигилиши) ёки Кузатув кенгашининг мутлақ ваколатига тааллуқли масалалар бундан мустасно.

Жамият бошқаруви раиси ва аъзолари уларнинг ҳар бири билан тузилган меҳнат шартномаси шартларида белгиланган ваколатлар, Қонун ҳужжатлари, Жамият Устави, ушбу Низом, Ягона акциядор ва жамият кузатув кенгашининг қарорларида белгиланган ваколатлар доирасида ишлайди.

Жамиятнинг ижроия органи Ягона акциядорнинг (акциядорлар умумий йигилиши) ва жамият кузатув кенгашининг қарорлари бажарилишини ташкил этади.

### **IV. ЖАМИЯТ БОШҚАРУВ РАИСИ**

Бошқарув раиси, Жамият фаолияти билан боғлиқ барча масалаларни мустақил равишда ҳал қилади. Жамият Ягона акциядор (акциядорларнинг умумий йигилиши) ва кузатув кенгашининг мутлақ ваколатига тааллуқли масалалар бундан мустасно.

Бошқарув раиси Жамиятни ривожлантиришда ягона техник сиёсатни амалга оширади, шу билан бирга Жамиятнинг ташкилий тузилмасига кирувчи корхоналарнинг операцион фаолиятига аралашишга ҳақли эмас.

Бошқарув раиси ўз фаолиятида ўз фаолиятида Қонунлар, Олий Мажлис қарорлари, Ўзбекистон Республикаси Президентининг Фармонлари ва қарорлари, Ўзбекистон Республикаси Вазирлар Маҳкамасининг қарорлари ва фармойишлари, мажбурий характерга эга бўлган бошқа норматив-ҳуқуқий ҳужжатларга ва Жамият Устави ҳамда ички ҳужжатларига риоя этади.

#### **Бошқарув раисининг функцияси:**

- Жамиятни ривожлантириш стратегиясининг асосий қоидалари ва йўналишларини белгилайди;
- Жамият бошқаруви ва марказий аппарати фаолиятини ташкил қилиш бўйича ишларини бошқаради;

- Жамиятни ривожлантириш, истиқболли ёқилғи-энергетика балансларини шакллантиришда, электр энергиясини ишлаб чиқариш ва истеъмол қилиш бўйича қисқа ва узоқ муддатли прогнозлар ҳамда мақсадли дастурларни ишлаб чиқишда қатнашади;

- мулкчилик ва идоравий мансублигидан қатъи назар бошқа корхона ва ташкилотлар билан муносабатларда Жамият номидан иш юритади ва унинг манфаатларини ифодалайди;

- Жамиятда энергияни ҳар томонлама тежаш ва ёқилғи-энергетика ресурсларидан оқилона фойдаланиш сиёсатини олиб боради;

- Жамиятнинг молиявий-хўжалик фаолияти учун жавобгардир.

### **Бошқарув раисининг ҳуқуқлари:**

- Жамият номидан ишончномасиз ҳаракат қилиш, бошқа корхона ва ташкилотлар билан муносабатларда унинг манфаатларини ҳимоя қилиш;

- Жамиятнинг уставида ёки бошқа ҳужжатида назарда тутилган чегарал доирасида мол-мулк ва пул маблағларини тасарруф этиш;

- контракт ва шартномалар, шу жумладан меҳнат шартномаларини тузиш;

- ишончномалар бериш;

- банкларда ҳисоб ва бошқа рақабларни очиш;

- Бошқарув раисига бўйсунувчи барча ходимлар учун мажбурий бўлган буйруқ ва кўрсатмалар чиқариши;

- Жамият Ягона акциядорининг қарорлари билан тасдиқланган марказий аппарат тузилмасига мувофиқ штат жадвалини тасдиқлаш ва штатларни малакали ходимлар билан тўлдириш;

- Иқтисодий хавфсизликни таъминлаш, объектларда режим чораларини бузиш, давлат ва тижорат сирлари хавфсизлиги, фавқулодда вазиятлар бўйича Жамиятда расмий текширувни керакли мутахассисларни жалб қилиш орқали ўтказиш. Текширув натижалари бўйича хулосаларни жамиятнинг барча мансабдор шахслари ва корхоналари томонидан мажбурий бажарилишини таъминлаш. Ўзбекистон Республикаси Қонунчилигига

- мувофиқ келиб тушган материалларни Республиканинг назорат ва ҳуқуқни муҳофаза қилиш идораларига топшириш;
- Жамиятнинг ички меҳнат қоидаларини белгилаш ва бажарилишини назорат қилиш;
  - Хорижий давлатларда Ўзбекистон Республикасининг барча даражаларида Жамият номидан иш юритиш ва унинг манфаатларини ишончномасиз ҳимоя қилишда қатнашиш;
  - Жамият фаолиятининг барча турлари бўйича мажбурий кўрсатмалар бериш, шунингдек, жамият таркибига кирадиган барча бўлинмалар ва хўжалик юритувчи субъектлар учун буйруқлар ва кўрсатмалар бериш;
  - МДХ давлатлари ва бошқа хорижий мамлакатларининг энергетика тизимлари билан музокаралар олиб бориш, ёзишмалар ўтказиш ва ўзаро манфаатли ҳамкорликни ривожлантириш;
  - Ўзбекистон Республикасининг амалдаги қонунчилигига ўзгартиришлар киритиш тўғрисида, шунингдек қонун лойиҳаларига таклифлар бериш;
  - малакали кадрларни танлаш, жойлаштириш ва уларни ўқитиш, Жамият ижро аппарати ходимлари ва жамият таркибига кирадиган филиаллар ва бўлинмалар раҳбарларини ишдан бўшатиш масалаларини ҳал қилиш;
  - марказий аппарат ходимларининг белгиланган сони доирасида уларни сақлаш харажатларнинг сметасини тасдиқлаш;
  - Жамият ижро аппарати штат жадвалини тасдиқлайди ва бошқарув раисининг ўринбосарлари ўртасида вазифаларни тақсимлаш ва уларнинг фаолиятини мувофиқлаштириш;
  - Жамият марказий аппарати ходимларини лавозимларга тайинлаш, улар билан меҳнат шартномаларини тузиш ва бекор қилиш, уларга расмий маошлар ва нафақалар белгилаш, жамият марказий аппарати ходимларини рағбатлантириш ва уларга жазо тайинлаш;
  - иқтисодий фаолият натижалари учун моддий рағбатлантириш ва мукофотлаш қоидаларини тасдиқлаш;

- Жамиятда иш юретиш функциясини ва ижро интизоми устидан назорат қилиш;
- Жамиятнинг ташқи иқтисодий фаолияти устидан назоратни амалга ошириш ва янги халқаро иқтисодий алоқаларни ўрнатиш;
- Жамиятнинг таркибий бўлинмалари тўғрисидаги низомни тасдиқлаш;
- Жамият номидан ишончнома бериш;
- Устав капиталида Жамият улуши бўлган хўжалик юритувчи субъектларнинг бошқарув органларида унинг вакиллари жамият номидан овоз бериш пайтида жамият позицияни белгилаш;
- Жамиятнинг ички меъёрий ҳужжатларини тасдиқлаш, Ягона акциядор (акциядорлар умумий йиғилиши) ёки Кузатув кенгашининг ваколатига тааллуқли бўлган ички меъёрий ҳужжатлар бундан мустасно;
- Жамият илмий-техник кенгаши ишини назорат қилиш.

#### **Бошқарув раисининг вазифалари:**

- ўз ваколатлари доирасида Жамиятнинг амалдаги фаолиятини бошқариш, унинг самарали ва барқарор ишлашини таъминлаш, жамият Кузатув кенгашининг мутлақ ваколатига тааллуқли масалалар бундан мустасно;
- Жамият Ягона акциядори ва Кузатув кенгаши томонидан қабул қилинган қарорларни қўллаб-қувватлаш, амалга ошириш ва назорат қилиш;
- Жамият таркибий бўлинмалари ўртасида самарали ўзаро алоқани таъминлаш;
- Жамиятнинг шартномавий мажбуриятлари бажарилишини таъминлаш;
- Жамият фаолияти ва ижтимоий соҳани ривожлантириш учун зарур бўлган миқдорда фойда олишни таъминлаш;
- Жамият бизнес-режаси ва ривожлантириш стратегияси дастурини ишлаб чиқишни бошқариш, уларни бажарилишини ташкил этилиши ва назорат қилиш;

- Жамият фаолиятида қонун талабларга риоя этилишини таъминлаш;
- Жамиятда бухгалтерия ҳисоботи ва ҳисоботининг ташкил этилишини ҳамда тўғрилигини ва ишончлилигини таъминлаш, йиллик ҳисобот ва бошқа молиявий ҳисоботларни, шунингдек жамият фаолияти тўғрисидаги маълумотни акциядорларга, кредиторларга ва бошқа маълумот олувчиларга ўз вақтида тақдим этиш;
- Кузатув кенгаши ёки жамият аудиторининг талабига биноан жамиятнинг молиявий-хўжалик фаолияти тўғрисидаги ҳужжатларни тўсиқсиз тақдим этиш;
- давлат статистика ҳисоботларини тегишли давлат органларига ўз вақтида ва тўлиқ тақдим этилишини таъминлаш;
- Жамиятнинг тижорат сирини ташкил этувчи маълумотларни сақланиши, агар унинг вазифалари бундай маълумотларни учинчи шахсларга беришни ўз ичига олмаса;
- Жамият ходимлари томонидан хизмат ёки тижорат сирини ташкил этувчи маълумотларнинг сақланишини таъминлаш;
- Жамият Бошқаруви мажлисларини ташкил этиш, жамият номидан ҳужжатлар ва бошқарув мажлислари баённомаларини имзолаш;
- Жамият ходимларининг билимлари, малакалари, тажрибаси ва қобилиятларидан максимал даражада фойдаланиш учун жамиятни малакали кадрлар билан таъминлаш бўйича чоралар кўриш;
- Меҳнат ва технологик интизомни сақлаш;
- Жамият ходимларининг ижтимоий кафолатлари ва меҳнат муҳофазасига риоя этилишини таъминлаш;
- Бошқарув вакилларининг жамоавий музокараларда иштирок этишини таъминлаш. Жамоа шартномалари ва шартномаларини тузишда иш берувчи сифатида иш олиб бориш. Жамоа шартномаси бўйича мажбуриятларни бажариш;
- ички ҳужжатларни амалдаги қонунчилик ва бошқа норматив ҳужжатларга мувофиқлиги таъминлаш.

**Йўл қўйилган камчиликларнинг хусусиятига қараб, Бошқарув раиси Ўзбекистон Республикаси қонун ҳужжатларида белгиланган қуйидаги жавобгарликларни ўз зиммасига олади:**

- Ўзбекистон Республикасининг норматив-ҳуқуқий ҳужжатларини бажариш;
- Жамият Устави ва ушбу бошқарув ҳужжати талабларига мувофиқ жамиятнинг ишлаб чиқариш, молиявий-хўжалик фаолияти;
- ушбу бошқарув ҳужжатида назарда тутилган ҳуқуқлардан фойдаланишнинг тўлиқлиги ва мажбуриятларнинг бажарилиши;
- қабул қилинган қарорларнинг ҳақиқийлиги;
- Жамиятда меҳнатни муҳофаза қилиш, хавфсизлик техникаси, саноат санитарияси ва ёнғин хавфсизлиги ҳолати;
- Жамиятни бошқариш учун ўзига юклатилган функциялар ва мажбуриятларни ўз вақтида ва самарали бажариш;
- ўқув курслари, семинарлар ва бошқа тадбирларда қатнашиш орқали ўзларининг, шунингдек Жамият мансабдор шахсларининг малакасини оширишни таъминлаш;
- жамоавий музокараларда иштирок этиш, жамоавий битимлар ва келишувлар тузишда иш берувчи сифатида қатнашиш, жамоавий битим бўйича мажбуриятларни бажариш;
- ўз ваколатларига оид ишларнинг ҳолати тўғрисида ҳисоботларни белгиланган муддатларда Жамиятнинг Ягона акциядорига ва Кузатув кенгашига тақдим этиш;
- марказий аппаратда ишлаб чиқариш, технологик ва меҳнат интизоми ҳолатини сақлаш.

## **V. ЖАМИЯТ БОШҚАРУВ РАИСИНИНГ МОЛИЯ ТРАНСФОРМАЦИЯ ВА ХУСУСИЙЛАШТИРИШ БЎЙИЧА БИРИНЧИ ЎРИНБОСАРИ**

Бошқарув раисининг молия, трансформация ва хусусийлаштириш бўйича биринчи ўринбосари:

- Жамият ривожлантиришда ягона техник сиёсатни амалга оширишда иштирок этади;

- Бошқарув раисининг “Бошқарув раиси, унинг ўринбосарлари ва бошқарув аъзолари ўртасида вазифаларни тақсимлаш тўғрисида”ги буйруғига биноан жамият таркибий бўлинмалари ишини бошқаради;

- назорат қилинадиган таркибий бўлинмалар учун меҳнатни муҳофаза қилиш ва хавфсизлик чораларини кўради;

- Жамият фаолиятига тегишли молиявий ва иқтисодий масалаларни назорат қилади.

Бошқарув раисининг бирор бир ўринбосари бўлмаган тақдирда, унга бўйсунадиган таркибий бўлинмалар ва юклатилган вазифалар бўйича масалаларни ҳал қилиш тартиби жамият бошқарув раиси, унинг ўринбосарлари ва бошқарув аъзолари ўртасида вазифаларни тақсимлаш тўғрисидаги буйруқ билан белгиланади.

Бошқарув раисининг Молия масалалари бўйича ўринбосари ўз фаолиятида Қонунлар, Олий Мажлис қарорлари, Ўзбекистон Республикаси Президентининг Фармонлари ва қарорлари, Ўзбекистон Республикаси Вазирлар Маҳкамасининг қарорлари ва фармойишлари, мажбурий характерга эга бўлган бошқа норматив-ҳуқуқий ҳужжатларга ва Жамият Устави ҳамда ички ҳужжатларига риоя этади.

**Бошқарув раисининг молия, трансформация ва хусусийлаштириш бўйича биринчи ўринбосарининг функция ва вазифалари:**

- Жамиятнинг бўлинмалари билан трансформация, рақамлаштириш ва ахборот технологиялари соҳасида ишларни ташкил этиш бўйича Ўзбекистон Республикаси Президенти ва Вазирлар Маҳкамасининг қарорлари ва фармойишлари ижросини таъминлашга масъул ҳисобланади;

- трансформация, рақамлаштириш ва ахборот технологиялари учун ажратилган маблағларнинг мақсадли ишлатилиши устидан назоратни амалга оширади;

- трансформация, рақамлаштириш ва ахборот технологиялари дастурларида белгиланган мақсадли параметрларга эришишнинг тизимли мониторингини олиб боради;

- Жамиятда трансформация, рақамлаштириш ва ахборот технологиялари бўйича комплекс чора-тадбирларни амалга оширади;
- трансформация, рақамлаштириш ва ахборот технологиялари бўйича йиллик ва истиқболи дастурларни амалга оширади;
- Жамиятни ривожлантириш бўйича бизнес-режасини ишлаб чиқиш бўйича ишларни ташкил этади;
- Жамият молиявий-хўжалик фаолияти бўйича мониторингини ташкил этиш, шунингдек, бўлинмаларда статистик, молиявий ва бухгалтерия ҳисоботини юритиш бўйича ишларни ташкил қилади;
- молиявий оқимлар ҳаракати тўғрисида маълумотларни тайёрлашда қатнашади;
- Жамият бошқарув тизимида ишбилармонлик муносабатларида бозор тамойиллари ва механизмларини амалга оширади;
- Жамият ходимларнинг малакасини ошириш бўйича ишларни ташкил этади;
- узоқ муддатли истиқболда энергетика стратегиясининг асосий йўналишлари асосида Жамият ривожланишининг концепцияси ва мақсадли дастурларини тайёрлашни ташкил қилади;
- ички ва ташқи фойдаланувчиларга зарур молиявий ва статистик маълумотларни тақдим этилишини таъминлайди;
- Жамият ташкилий тузилмасига кирувчи корхоналарнинг молиявий фаолиятини таҳлил қилиш ва баҳолаш бўйича ишларни ташкил этади;
- молиявий масалалар бўйича жамиятнинг таркибий бўлинмаларига услубий ёрдам беради;
- Жамиятнинг меҳнат унумдорлиги ва иш ҳақининг усишини таъминлашга қаратилган иқтисодий фаолиятни ташкил қилади ва такомиллаштиради;
- Жамият ташкилий тузилмасига кирувчи корхоналарда иқтисодий бошқарув усулларини жорий этиш, такомиллаштириш ва ролини ошириш бўйича ишларни услубий бошқаришни ва ташкил этишни таъминлайди;
- Жамият томонидан амалга ошириладиган харидлар жараёнини назоратини юритади.

**Бошқарув раисининг молия, трансформация ва хусусийлаштириш бўйича биринчи ўринбосарининг ҳуқуқлари:**

- ўз ваколатига кирадиган масалалар бўйича Жамият фаолиятидаги тегишли натижалар ва иқтисодий кўрсаткичларни кенг жамоатчиликка намойиш этиш;

- қонун ҳужжатларига мувофиқ ишончнома асосида мулкчилик шаклидан қатъи назар хўжалик юритувчи субъектлар билан хўжалик шартномаларини белгиланган тартибда тузади, амалга оширади ва бекор қилиш;

- Жамият фаолияти турлари бўйича мажбурий кўрсатмалар бериш, шунингдек ўз ваколати доирасидаги фаолият турлари бўйича кўрсатмаларни тасдиқлаш.

- ўз ваколатига кирадиган масалалар бўйича узоқ муддатли истиқболли ва техник режаларни кўриб чиқиш ва тасдиқлаш;

- марказий аппарат ходимларига бонуслар бериш (*бонусларни бекор қилиш*) бўйича таклифлар, шунингдек ишлаб чиқариш ва меҳнат интизомини бузганлик учун жарималар тўғрисида таклифлар киритиш;

- қонун ҳужжатларига мувофиқ ишончнома асосида, белгиланган тартибда, миллий ҳамда чет эл валютасида банк ҳисоб рақамларини очиш, хорижий кредитлар ва банк кредитларини олиш, ваколатли банклар орқали маблағларни конвертация қилиш.

**Бошқарув раисининг молия, трансформация ва хусусийлаштириш бўйича биринчи ўринбосари қуйидагиларга жавобгардир:**

- Ўзбекистон Республикаси қонунлари, Олий Мажлис қарорлари, Ўзбекистон Республикаси Президентининг қарорлари, фармонлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари ижросини таъминлашга;

- ҳуқуқлардан фойдаланишнинг тўлиқлиги ва мажбуриятларнинг бажарилишига;

- қабул қилинган қарорларнинг ҳақиқийлигига;

- Жамият Кузатув кенгаши, Ички аудит хизмати ёки аудиторининг талабига биноан жамиятнинг молиявий-хўжалик фаолияти тўғрисидаги хужжатларни тўсиқсиз тақдим этишга;

- Жамиятда бухгалтерия ҳисоби ва ҳисоботининг ташкил этилиши, тўғрилиги ва ишончилигини таъминлаш, тегишли органларга йиллик ҳисобот ва бошқа молиявий ҳисоботларни, шунингдек жамият фаолияти тўғрисидаги маълумотларни акциядорларга, кредиторларга ва бошқа маълумот олувчиларга юборишни ўз вақтида тақдим этишга;

- Жамиятни ривожлантириш дастурлари ва бизнес-режаларини ишлаб чиқишни бошқариш, уларнинг ташкил этилиши ва бажарилишини назорат қилишга;

- ўзига юклатилган функциялар ва вазифаларни ўз вақтида ва самарали бажаришга.

## **VI. ЖАМИЯТ БОШҚАРУВ РАИСИНИНГ ТИЖОРИЙ МАСАЛАЛАР БЎЙИЧА ЎРИНБОСАРИ**

Жамият бошқарув раисининг тижорий масалалар бўйича ўринбосари:

- Жамиятнинг ривожланишига оид техник сиёсатни юритади;

- Бошқарув раисининг “Бошқарув раиси, унинг ўринбосарлари ва бошқарув аъзолари ўртасида вазифаларни тақсимлаш тўғрисида”ги буйруғига биноан жамият таркибий бўлинмалари ишини бошқаради;

- назорат қилинадиган таркибий бўлинмалар учун меҳнатни муҳофаза қилиш ва хавфсизлик чораларини кўради.

Бошқарув раисининг бирор бир ўринбосари бўлмаган тақдирда, унга бўйсунадиган таркибий бўлинмалар ва юклатилган вазифалар бўйича масалаларни ҳал қилиш тартиби жамият бошқарув раиси, унинг ўринбосарлари ва бошқарув аъзолари ўртасида вазифаларни тақсимлаш тўғрисидаги буйруқ билан белгиланади.

Бошқарув раисининг тижорий масалалар бўйича ўринбосари ўз фаолиятида Қонунлар, Олий Мажлис қарорлари, Ўзбекистон Республикаси Президентининг Фармонлари ва қарорлари, Ўзбекистон Республикаси Вазирлар Маҳкамасининг қарорлари ва фармойишлари, мажбурий характерга

эга бўлган бошқа норматив-ҳуқуқий ҳужжатларга ва Жамият Устави ҳамда ички ҳужжатларига риоя этади.

**Бошқарув раисининг тижорий масалалар бўйича ўринбосарининг функция ва вазифалари:**

- электр энергияси балансини таҳлили ва прогнозини юритади;
- электр энергиясини ишлаб чиқарувчи Давлат хусусий шерикчилик корхоналари билан олиб бориладиган ишларни назорат қилади;
- электр энергиясининг экспорти ва импортини назоратини юритади;
- электр энергиясини ишлаб чиқарувчи корхоналардан электр энергиясини сотиб олиш ва сотишга оид ишларни амалга оширади;
- электр энергиясини сотиб олиш ва сотиш соҳасида фаолият юритадиган ягона электр энергияси тизими корхоналарининг техник-иқтисодий кўрсаткичлари бўйича ҳисоботларни шакллантириш ишларини ташкил қилади, шунингдек техник ва давлатлараро электр оқимларини, Марказий Осиё давлатларининг электр энергия тизимлари билан ташқи иқтисодий фаолиятини ўзаро ҳисоб-китоб қилиш ва электр энергияси оқимлари (хизматлари) балансини оператив ҳисобга олиш ишларини ташкил қилади;
- ресурсларни тежайдиган янги ускуналар ва илғор технологияларни, шу жумладан, хорижий инвестицияларни жалб қилиш орқали Жамият самарадорлигини ошириш бўйича чора-тадбирларни амалга оширишга қаратилган ишларни ташкил этади;
- узоқ муддатли истиқболда энергетика стратегиясининг асосий йўналишлари асосида Жамият ривожланишининг концепцияси ва мақсадли дастурларини тайёрлашни ташкил қилади;
- электр энергиясини харид қилиш ва сотиш соҳасида янги технологияларни жорий этиш бўйича илмий–тадқиқот ишларини ташкил этади;
- энергия тежаш дастурларини шакллантириш ва жамият барқарорлигини ошириш бўйича асосий чора-тадбирларни ташкил этади;
- Жамиятнинг Илмий-техник кенгаши ишини назорат қилади;

- қонун ҳужжатларида белгиланган тартибда Энергетика Хартияси, МДХ Электр энергетика кенгаши ва бошқа халқаро молия-иқтисодий институтлар билан ўзаро алоқалар бўйича ишларни ташкил этади;

- қонун ҳужжатларида белгиланган тартибда хорижий мамлакатлар ва компаниялар билан иқтисодий, техник, технологик ва сармоявий ҳамкорликни ҳар томонлама кенгайтиришни амалга оширади;

- ягона электр энергетикаси тизимини ривожлантиришнинг истиқболли режаларини ишлаб чиқишда қатнашади;

- республика корхоналари ва ташкилотлари билан биргаликда жамиятда электр энергиясини тежаш, оқилона фойдаланиш ва йўқотишларни камайтириш бўйича чора-тадбирларни ишлаб чиқиш ва амалга оширишга қаратилган ишларни ташкил этади;

- эксплуатация, фавқулодда вазиятлар ва ёнғинларнинг олдини олиш ишларини яхшилаш, таркибий бўлинмалардаги ходимлар билан ишлаш бўйича ишларни ташкил этади;

- стандартлаштириш бўйича техник қўмитанинг электр энергетикаси соҳасидаги ишларини бошқаради ва давлат даражасидаги меъёрий ҳужжатларни ишлаб чиқиш бўйича ишларни ташкил этади.

### **Бошқарув раисининг тижорий масалалар бўйича ўринбосарининг ҳуқуқлари:**

- ўз ваколатига кирадиган масалалар бўйича Ўзбекистон Республикасининг барча корхона ва ташкилотларида Жамият манфаатларини ҳимоя қилиш;

- қонун ҳужжатларига мувофиқ ишончнома асосида мулкчилик шаклидан қатъи назар хўжалик юритувчи субъектлар билан белгиланган тартибда хўжалик шартномаларини тузиш, ижро этиш ва бекор қилиши;

- Жамият фаолиятининг барча турлари бўйича мажбурий кўрсатмалар бериш, шунингдек ўз ваколати доирасидаги фаолият турлари бўйича кўрсатмаларни тасдиқлаш;

- назорат қилинадиган масалалар бўйича узоқ муддатли ва техник иш режаларини кўриб чиқиш ва тасдиқлаш;

- эксплуатация ҳолатини, ускуналарни таъмирлашни, ходимлар билан ишлашда хавфсизлик чораларини, магистрал электр тармоқларида шошилиш ишларни бажариш бўйича кўрсатма ҳужжатлар талабларига риоя этилишини комплекс ўрганиш ва текшириш бўйича ишларни бажариш.

**Бошқарув раисининг тижорий масалалар бўйича ўринбосари қуйидагиларга жавобгардир:**

- Ўзбекистон Республикаси қонунлари, Олий Мажлис қарорлари, Ўзбекистон Республикаси Президентининг қарорлари, фармонлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари ижросини таъминлашга;

- ҳуқуқлардан тўлиқ фойдаланиш ва мажбуриятларнинг бажарилишига;

- қабул қилинган қарорларнинг ҳақиқийлигига;

- Жамият электр тармоғи объектларида меҳнатни муҳофаза қилиш, хавфсизлик чоралари ва ёнғин хавфсизлиги ҳолатларига риоя этилишини таъминлашга;

- ўзига юклатилган функция ва вазифаларни ўз вақтида ва самарали бажаришга.

## **VII. БОШҚАРУВ РАИСИНИНГ ЎРИНБОСАРИ БЎЛМАГАН БОШҚАРУВ АЪЗОЛАРИ**

Жамият бошқарув раисининг ўринбосари бўлмаган бошқарув аъзолари:

- Бошқарув раисининг “Бошқарув раиси, унинг ўринбосарлари ва бошқарув аъзолари ўртасида вазифаларни тақсимлаш тўғрисида”ги буйруғига биноан Жамиятнинг тегишли таркибий бўлинмалари ишини бошқаради;

- назорат қилинадиган таркибий бўлинмалар учун меҳнатни муҳофаза қилиш ва хавфсизлик чораларини кўради.

Бошқарув раисининг бирор бир ўринбосари ёки бошқарув аъзоси бўлмаган тақдирда, унга бўйсунадиган таркибий бўлинмалар ва юклатилган вазифалар бўйича масалаларни ҳал қилиш тартиби жамият бошқарув раиси, унинг ўринбосарлари ва бошқарув аъзолари ўртасида вазифаларни тақсимлаш тўғрисидаги буйруқ билан белгиланади.

Бошқарув раисининг ўринбосари бўлмаган бошқарув аъзолари ўз фаолиятида Қонунлар, Олий Мажлис қарорлари, Ўзбекистон Республикаси Президентининг Фармонлари ва қарорлари, Ўзбекистон Республикаси Вазирлар Маҳкамасининг қарорлари ва фармойишлари, мажбурий характерга эга бўлган бошқа норматив-ҳуқуқий ҳужжатларга ва Жамият Устави ҳамда ички ҳужжатларига риоя этади.

**Бошқарув раисининг ўринбосари бўлмаган бошқарув аъзоларининг функция ва вазифалари:**

- Жамиятнинг тегишли бўлинмалари билан бирга ўзига юклатилган вазифа ва ишларни ташкил этиш бўйича Ўзбекистон Республикаси Президенти ва Вазирлар Маҳкамасининг қарорлари ва фармойишлари ижросини таъминлашга масъул ҳисобланади;

- Жамият бошқаруви мажлисларида иштирок этади ва ушбу мажлисларда ҳолда Жамият манфаатларидан келиб чиқиб қарорлар қабул қилади;

- ўзига бириктирилган таркибий тузилма фаолияти ва юклатилган вазифалар бўйича бўйича мониторингини ташкил этиш, шунингдек, бўлинмада тегишли ҳисоботларни юритиш бўйича ишларни ташкил қилади;

- Жамият бошқарув органлари топшириғига биноан ички ва ташқи фойдаланувчиларга зарур маълумотларни тақдим этилишини таъминлайди;

- назорат қилинадиган масалар бўйича узок ва қисқа муддатли иш режаларини кўриб чиқади.

**Бошқарув раисининг ўринбосари бўлмаган бошқарув аъзоларининг ҳуқуқлари:**

- ўз ваколатига кирадиган масалалар бўйича Ўзбекистон Республикасининг барча корхона ва ташкилотларида Жамият манфаатларини ҳимоя қилиш;

- қонун ҳужжатларига мувофиқ ишончнома асосида мулкчилик шаклидан қатъи назар хўжалик юритувчи субъектлар билан хўжалик шартномаларини белгиланган тартибда тузиш ва бекор қилиш.

- Жамиятнинг фаолияти турлари бўйича тегишли таркибий бўлинмаларга мажбурий кўрсатмалар бериш, шунингдек ўз ваколати доирасидаги фаолият турлари бўйича кўрсатмаларни тасдиқлаш.

- ўзига бириктирилган бўлинмалар ходимларига бонуслар бериш (бонусларни бекор қилиш) бўйича таклифлар, шунингдек ишлаб чиқариш ва меҳнат интизомини бузганлик учун жарималар тўғрисида таклифлар киритиш.

**Бошқарув раисининг ўринбосари бўлмаган бошқарув аъзолари қуйидагиларга жавобгардир:**

- Ўзбекистон Республикаси қонунлари, Олий Мажлис қарорлари, Ўзбекистон Республикаси Президентининг қарорлари, фармонлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари ижросини таъминлашга;

- ҳуқуқлардан тўлиқ фойдаланиш ва мажбуриятларнинг бажарилишига;

- қабул қилинган қарорларнинг ҳақиқийлигига;

- Жамият электр тармоғи объектларида меҳнатни муҳофаза қилиш, хавфсизлик чоралари ва ёнғин хавфсизлиги ҳолатларига риоя этилишини таъминлашга;

- ўзига юклатилган функция ва вазифаларни ўз вақтида ва самарали бажаришга.

## **VIII. ИЖРОИЯ ОРГАНИНИНГ ЖАВОБГАРЛИГИ**

Жамият бошқаруви аъзолари ўз ҳуқуқларини амалга оширишда ва ўз вазифаларини бажаришда, Жамият манфаатлари йўлида ҳаракат қилишлари ва белгиланган тартибда жавобгар бўлишлари шарт.

Ушбу лавозимда ишлаган давр мобайнида Жамият бошқаруви аъзолари фаолияти маҳсулот сотиш ёки жамият хизматларини кўрсатишда қийинчиликлар туғдирадиган корхоналарни ташкил этиш ёки ташкил этишда қатнашиш ҳуқуқига эга эмаслар. Бошқарув аъзолари компаниядаги лавозимга тайинлангандан сўнг шу каби корхоналардаги иштирокларини тўхтатиб туришлари ва ушбу тўхтатиб туриш тўғрисида жамият Кузатув кенгашига хабар беришлари шарт.

Жамият бошқаруви аъзолари ўзларининг функцияларини бажармаганлиги ёки лозим даражада бажарилмаганлиги натижасида Жамиятга етказилган зарарнинг ўрнини қоплаш учун тўлиқ ҳажмда, Жамият олдида Ўзбекистон Республикасининг амалдаги қонунчилигига ва Жамият уставига мувофиқ жавобгар бўлишади.

Жамият ёки жамиятнинг муомалада бўлган акцияларига эгалик қилувчи Ягона акциядор Жамиятга етказилган зарарни қоплаш тўғрисида Жамият бошқаруви аъзоларига нисбатан даъво билан судга мурожаат қилишга ҳақлидир.

## **IX. ИЖРОИЯ ОРГАНИГА ҲАҚ ТЎЛАШ ТАРТИБИ**

Бошқарув раиси ва бошқарув аъзолари учун иш ҳақи ва моддий рағбатлантириш миқдори тўғридан-тўғри Жамиятнинг самарадорлигига боғлиқ ва Ўзбекистон Республикаси Вазирлар Маҳкамасининг 2015 йил 28 июлдаги 207-сонли “Акциядорлик жамиятлари ва бошқа корхоналар фаолияти самарадорлигини баҳолаш мезонларини жорий этиш тўғрисида”ги қарори талаблари асосидаги келишувда ва “O‘zenergosotish” АЖ бошқарув аъзоларининг иш ҳақини тўлаш тўғрисида”ги Низомда белгиланади.

## **XI. ЯКУНИЙ ҚОИДАЛАР**

Низом, шунингдек унга киритилган ўзгартиш ва қўшимчалар Ягона акциядорнинг қарори билан тасдиқланади.

Низомга киритиладиган қўшимчалар ва ўзгартиришлар Жамият Кузатув кенгаши аъзолари, Жамият бошқаруви раисининг таклифига биноан амалга оширилади.

Агар Низомнинг айрим моддалари Ўзбекистон Республикасининг амалдаги қонунчилигига ёки Жамият Уставига зид бўлса, ушбу моддалар ўз кучини йўқотади ва ушбу моддалар билан тартибга солинадиган масалалар нуқтаи назаридан, ушбу Низомга тегишли ўзгартиришлар киритилмагунга қадар, Ўзбекистон Республикасининг амалдаги қонунчилиги ёки Жамият Уставининг нормаларига риоя қилинади.